


# Ar c'horf...



... **ESKERN**

**206 askorn** a ya d'ober korf-eskern mab-den.

Eskern un oadour zo staget start-tre an eil re ouzh ar re all gant **stagelloù**.


Gallout a ra unan plegañ e izili en abeg d'ar **c'henvelloù** zo etre daou askorn. Er c'henvelloù ez eo goloet pennoù an eskern gant **migorn** hag ul liñvenn eouliek zo etrezo ivez evit aesaat ar plegadennoù.

Kemm a ra korf-eskern mab-den diouzh oad an den : ar grouell e kof he mamm n'he deus ket c'hoazh eskern kalet. E-pad an nav miz ma vo douget e kof he mamm eo e vo stummet he c'horf-eskern tamm-ha-tamm.

Pa vint bet nevez-c'hanet o do ar babigoù muioc'h a eskern (**270** well-wazh) eget diwezhatoc'h pa vint deuet bras (**206** well-wazh ivez, hervez an niver a velloù el livenn-gein, a c'hell kemm hervez an dud, etre 204 ha 207) : pa gresk ar vugale e kendeuz<sup>1</sup> eskern zo etrezo, er c'hlopenn, el livenn-gein, el lestr... Sellout amañ ouzh eskern un dorn :

---

<sup>1</sup> Kendeuziñ : en em soudañ, unaniñ.



skeudenn diwar « Penn-kil ha troad », Georges Boulestreau, emb. TES, 2002

1- oeñsoù  
 2- Lec'h ma kresk an askorn  
 3- ibilioù an daoubalv

4- eskern an arzorn  
 5- ar c'hevilin  
 6- skin ar vrec'h


### **3 c'hefridi en deus ar c'horf-eskern :**

- 1- Framm ar c'horf eo ma stag ar c'higennoù, ar stirennoù...
- 2- Gwareziñ a ra lodennoù gwan eus ar c'horf (ar galon hag ar skevent e **kavenn ar brusk** (kostezennoù, bruched) ; an empenn er **c'hlopenn**)
- 3- Reiñ a ra tro ivez, dre e **genvelloù** da blegañ ha da fiñval.

Etre 4 ha 6 kilogramm eo tolz korf-eskern « sec'h » (da lavarout eo hep ar mel a gaver enno (Menam, menam !) ur gwaz gour hag etre 3 ha 4 c'hilogramm hini ur vaouez c'hour.


Askorn ar vorzhed eo hirañ askorn korf an dud hag ar stleug (er skouarn) an hini bihanañ.

## 2. Ar c'horf-eskern (B)



skeudenn diwar « Penn-kil ha troad », Georges Boulestreau, emb. TES, 2002

- |                         |                    |
|-------------------------|--------------------|
| 1- klo penn             | 12- melloù-kein    |
| 2- poulloù an daoulagad | 13- kroazell       |
| 3- melloù-gouzoug       | 14- sakrom         |
| 4- ibil-skoaz           | 15- iskion         |
| 5- planken-skoaz        | 16- askorn-morzhed |
| 6- paler-brec'h         | 17- boled-glin     |
| 7- skin-brec'h          | 18- kribenn-c'har  |
| 8- kevilin              | 19- spilhenn-c'har |
| 9- bruched              | 20- ibil-troad     |
| 10- kostezennoù         | 21- seul           |
| 11- kostezennoù         |                    |



Goulennoù :

- 1- Pet askorn zo e korf-eskern un den oadour, well-wazh ?
- 2- Pet askorn zo e korf ur poupig, well-wazh ?
- 3- Perak ez eus nebeutoc'h a eskern en un oadour ?  
Ha steuziet ez eus eskern zo er c'horf abaoe ma oa bihan ?
- 4- Petra eo tri c'hefridi ar c'horf-eskern ?
- 5- Petra eo tolz ar c'horf-eskern ?
- 6- Petra eo askorn hirañ ar c'horf, ha pelec'h eo ?
- 7- Petra eo askorn bihanañ ar c'horf, ha pelec'h eo ?